



Inatsisartuni ilaasortaq Kim Kielsen aamma  
Inatsisartuni ilaasortaq Malik Berthelsen  
Siumut

**Pineqartog: § 37 naapertorlugu apeqqummut nr. 2012-111-imut  
akissuteqaat Illuni ilaqutariinnut ataatsinut inissiani illunilu affarleriinni  
ineqarnermut akiliutit**

Asasakka Malik Berthelsen aamma Kim Kielsen,

Namminersorlutik Oqartussat illuutaanni ilaqutariinnut ataatsinut inissiani aamma illuuni  
affarleriinni ineqarnermut akiliutit pillugit apeqquutissinnut qjanaq. Siullermik apeqquutisi  
issuarneqarput, kingornatigullu akissutikka allanneqarlutik.

1. Ilaqutariinnut illut ilaqutariinnullu illut affarleriit (30-399) Pisortanit pigineqartut,  
2010-imi 51%-imik attartorneri akitsuiffigineqartut akitsuutaat sumut atorneqarniarpat?

AKISSUT: Ajoraluartumik ukiorpasuarini illuni ilaqutariinnut ataatsinut inissiani illunilu  
affarleriinni pilersaarutaasumik iluarsagassanut aserfallatsaaliugassanullu  
suliniuteqartoqartarsimangilaq. Tamanna pissutigalugu Namminersorlutik Oqartussat  
illuutaat ilaqutariinnut ataatsinut inissiat ima aserfallassimatigipput,  
najugarineqarsinnaannginnertik pissutigalugu matuneqarsimallutik. Tamatumunnga  
ilaatigut najugaqarfanni aserfallatsaaliunissamut aningaasanik naammattunik  
illuartitsisoqartarsimanginnera pissutaavoq. 2010-imi tamanna iluarsiviginiarlugu illuni  
ilaqutariinnut ataatsinut inissiani illunilu affarleriinni ineqarnermut akiliutit annertuumik  
qaffanneqarput, taamaalillutik inissiaruarni ineqarnermut akiliutit annertoqatigilerlugit –  
tassalu inissiaruarni aamma illuni ilaqutariinnut ataatsinut inissiani ineqarnermut  
akiliutit assigiinnerulerput.

Namminersorlutik Oqartussat inissianik piginnittutut A/S Inissiaatileqatigiiffik INI  
ilisimatippaa, ineqarnermut akiliutit qaffanneqartut najugaqarfinnut nakkartinneqarnerini  
ingerlaannarlutik atorneqarsinnaalissasut, aammalu kingusinnerusukkut  
aserfallatsaaliugassanut illuartinneqartassanngitsut, kisiannili pilertornerpaamik  
atorneqartassasut, taamaalilluni aserfallatsaaliugassat suliarineqartalissammata.

2. Akitsuinerup kingorna ilaqutariinnut illut ilaqutariinnullu illut affarleriit qassit  
tunineqarsimappat?

AKISSUT: Illut ilaqutariinnut ataatsinut inissiat 123-t aamma illut affarleriit 13-it.

3. Attartortumiit piginnittumut periarfissaq atorlugu illunik taakkunannga pisisut  
attartortuugallaramik aserfallatsaaliinissamut akiliutigisimasaat qanoq pineqarpat.

AKISSUT: Inissiamik tunisinermut atatillugu aningaasaqarnikkut agguasoqartanngilaq.

9. maj 2012  
Sags nr. 2012-065474  
Dok.nr. 900291  
Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

Inatsisartut peqqussutaat nr. 12, 19. november 2010-meersoq naapertorlugu, attartortumiit piginnittumut aaqqissuussineq malillugu, niueruteqarnermut akiusoq niuernerup naammassineqarnerani aningaasartuutitut matussutissanik 50.000 koruuninik taperlugu inissiamik tunisisoqartarpoq. Aamma illunik ilaqtariinnut ataatsinut inissianik illunillu affarleriinnik tunisinermi attartornerup sivilissusianut akikillisaasiisoqarneq ajorpoq.

Inussiarnersumik inuulluaqqusillunga

Jens B. Frederiksen